

国朝耆献类征初编

國朝著獻類征初編

國朝文獻公集卷之九

卷緒中申開離甫庚
蘇五洲吟亭氏藏

國朝耆獻類徵初編

述意

一是編專輯我

太祖高皇帝天命元年丙辰至

宣宗成皇帝道光三十年庚戌滿漢臣工士庶身後 國史館本

傳洎私家紀述上關 朝章國典下逮德行言語諸科實有

事蹟可傳各散體文字

一 宗親藩部王公勲業最盛伏讀

高宗純皇帝欽定宗室王公功績表傳外藩蒙古回部王公表傳

及續修各表傳經文緯武明備允昭謹將全書冠之簡首

一是編爲類十九曰宰輔曰卿貳曰詞臣曰諫臣曰郎署曰疆臣曰監司曰守令曰僚佐曰將帥曰材武曰忠義曰孝友曰儒行曰經學曰文藝曰卓行曰隱逸曰方技

一宰輔 國初設內三院曰內國史院曰內祕書院曰內弘文院後改殿閣雍正元年增置尙書滿漢各一人協辦大學士事與以大學士節鎮行省及

欽差專辦重務者均列此類

一卿貳 國初六部都察院理藩院各設承政左右參政後改

尙書侍郎都御史副都御史並置僉都御史

乾隆十年裁
僉都御史

洎

各府寺堂官自宗人府府丞至內閣侍讀學士又督捕侍郎

隸兵部

康熙中裁

總督倉場侍郎隸戶部內務府總管大臣

即古少府

卿均列此類

一詞臣

國初設文館置榜式

官名一作巴克什

旋改翰林院自掌院

以迄庶吉士有大小教習而不分司屬詹事向爲東宮官屬
我朝不事建儲畱備詞臣遷轉之階國子監祭酒司業亦
由翰詹兩衙門升轉均列此類

一諫臣都察院明與六部稱七卿

國朝增理藩院稱八卿故

總憲副憲僉憲列卿貳若六科給事中

國初自爲一署有

都給事中左右給事中後省並改隸都察院若各道御史

國初有巡按後停又有巡視五城巡倉巡漕巡鹽巡察臺灣

均列此類

一 郎署 國初有錄事正字併入中書行人司正副未久俱裁其官此者與府部寺院各司員洎小京官筆帖式相埒又順天府治中通判係與各衙門司員統歸京察均列此類

一 疆臣漕督河督副河督與總督巡撫無異伏攷康熙二十二年

聖祖仁皇帝諭西安將軍希福督撫布按俱係封疆重臣地方大吏乾隆二十五年

高宗純皇帝諭安徽布政使隨督臣駐劄江甯於封疆體制未協旋增設江甯布政使分駐管轄據此則布政按察兩司應列

此類

一監司 國初設布政司左右參政及參議曰守道按察司副使僉事兼督學政曰巡道以三四五品爲差康熙中學政始議簡放由翰詹科道出者爲學院由部曹仍爲學道至雍正四年皆改學院凡學院列京職各類乾隆十八年省參政等兼銜定爲守巡各道秩正四品又都轉鹽運使有由部銓授者均列此類

一守令直隸州知州視守知州視令撫民直隸同知通判名雖與丞倅同職掌實與守牧埒蓋沿元明軍民府之制又鹽課司提舉鹽場大使分治井竈民事均列此類

一僚佐 國初各府有推官

康熙六年裁

學職卽古掾屬亦列此類

至文武士司無論品秩崇卑竊取春秋王人雖微序諸侯上之義分列僚佐材武之末士司土人及朝鮮人任滿漢職者不在此限

一將帥 國初五大臣八大臣十大臣十六大臣任兼將相贊決軍國重務究以征討立勳爲多與

欽授經略大將軍副將軍各路統兵大臣及領侍衛內大臣內大臣都統步軍統領左右翼總兵前鋒統領護軍統領京旗副都統散秩大臣各省駐防將軍副都統提督總兵均列此類一材武京外旗綠各營侍衛副將下至弁目義勇隸役凡以捍

禦保衛著稱者均列此類

一職官如達海公以巴克什 贈大學士列宰輔陸公隴其以

御史 贈內閣學士兼禮部侍郎 阮文達公擬 國史儒林傳序云隴其等已入大臣

傳茲不載 陳公瓚以巡撫 贈禮部尚書曹公錫寶以御史 贈

副都御史均列卿貳凡此皆出自

特旨褒異者也其他加銜贈銜署篆兼篆與遷擢未赴者仍列本任降謫則從其原任槩據所見文字編列有不以此官終者 尚冀博雅正誤

一綠營各官帶虛銜者左右都督都督同知都督僉事以一二

品爲差與師傅保宮銜之無職掌員額同 乾隆十 均歸本職

八年省

分編將帥材武二類

一忠義以殉時爲次其有無文武官秩不計

一孝友儒行經學文藝卓行隱逸方技人才兼備者固多卽儒
行或朱王異議經學或漢宋岐途文藝方技或詩文書畫醫
卜雜術獨擅一長孝友卓行隱逸或顯愚確守貴賤殊等均
無俟袒分偏尙悉據所見備錄史家向將職官攷其事實專
重者入此數類是編全以職官列前事實列後僅輯窮樵鄙
屋至科第及銓授未仕者而止未敢僭倣史例且

八朝史傳未得全讀姑分事實圖便查閱尤不敢以方隅淺見據
爲定衡也

一伏攷乾隆五十六年

高宗純皇帝諭明季庶吉士未授職者不得以貳臣論是編所輯
文職遵以庶吉士爲斷武職則以 國史賢良有傳者爲斷
至遺老通臣卒於順康年間者甚多其入 國朝後事蹟當
時記載悉從祕藏至乾隆四十一年

欽定勝朝殉節諸臣錄凡明臣抗拒 王師身殉戰守者
恩予褒諡並採事實爲傳刊印頒行一時學士大夫咸頌
聖主如天之仁不以異代稍存岐視於是曩昔祕藏時時閒出而
表微君子博綜舊聞紀述滋夥逃名遯跡之倫多藉文字以
不泯爰廣爲蒐羅按後七類比事從同詳加登列

一每類名次先後大抵職官多有科分仕年可據而閒憑卒年後八類則以卒年爲據亦閒憑科分如俱無攷卽於篇中旁推時事時人並略計其人在歷朝之初中末康熙乾隆兩朝歷年最久約以三十年爲一輩生傳卽據其時合傳附傳中或親屬或類從均以首列之人之時爲率親屬猶有未附者則以得見稍遲卽按本人時次編列後卷又每卷後閒有補錄係已載者續輯未載者補刊

一碑傳爲本人子孫撰述者不敢濫錄如有事蹟盛傳海內而傳誌闕如或有而未之見僅得其私親所撰者又有遺令不許所親撰述及乞他人誌銘而自撰墓誌者又有並私親及

本人均無撰述僅有崇祀名宦鄉賢等錄事實可採者閒錄

一二

一採輯他人所作生傳或自撰墓誌均與全編專輯本人身後他人載筆之例不符但文字雖在生前而事蹟實堪傳後未便拘泥通例竟沒其人然千百中不過一二也

一私家文集集中碑傳文字幾於汗牛充棟凡事無實證近於諛墓者不敢濫錄

一合傳則數人正書附傳則旁注某某若別採合傳次列之人之文及附傳旁注之人之文再作正書標名庶閱者豁目

一所錄文字無論長篇短劄槩行全錄庶詳略互見足資博攷

並將文體及撰人姓名隨文附載偶有本文里居科目官職等類與他文小有異同者卽於附載文體撰人下略按數語以備參證

一本人有 國史館本傳者均將史傳首列次及諸家文字惟史館故事止准史官就館鈔錄不得將原本攜歸私寓先文恭公先編修兄疊直史局均不過二三年就鈔無多嗣屬在館戚友續鈔仍屬無幾是以應有史傳而闕載者甚夥海內故家如將先世傳本鈔寄當歸補編

一雜記文字多取自諸家叢鈔而其叢鈔徵引僅標某某齋某某堂筆記漫錄之屬無從攷得撰人則依譜錄家例將書名

隨文附載

一東西北三口外山河城堡村鎮及直省偏僻地名雖經參攷
詳校仍恐誤處甚多識者正之

一譯音原無定字

紀文達公云國語多
滾舌音故難盡一

如所見滿姓關爾嘉瓜

勒佳卽瓜爾佳納蘭卽納刺宜爾根卽伊爾根又人名果斯
海卽郭四海哲勒肯卽哲爾肯史傳重出止存其一葛思特

卽格斯泰噶爾旦卽噶爾丹實係一人策梭或作策楞策零

策凌字異音同或音近約十數人是非殽亂無可折衷然賢
奸並陳因文自見閒遇此等恐他文紀載小異是一是二無
從辨析亦俟識者正之又精奇尼哈番卽子爵阿思哈尼哈